

**Təntən sagı tə, Polə nə púpúní v
pa
Timote
nə
Timote təntən sagı tə yuu wa
sugv**

Lìù tə, v nə púpúní sagı kv tə

Kv yı *tuntunu Polə nə púpúní kv. Máná tə wa, v nə púpúní kv, də v yı v wulə bàn diè wa Romə nə.

Lìù tə nə, Polə nə púpúní

Sagı kv tə yı təntən sagı tə, Polə nə púpúní v pa Timote nə. Timote nyina tà *Zwifə, v nuu ga yı Zwifə. U jigə *Kərisə lìù, v ga yı Polə karbiu. Timote jigə Polə twaduən tə wa lìù don, v yà nə swə zənzən. Yìèn yà nə wulə Kərisə là púlé tə wa, Polə yáá tun wá lá nə, sə v va v ywán tə yuu. Polə pın wá nii, sə v ya Efezə nə, v dàn Kərisə là tə jìàn də v kàrì ba.

Sagı tə wa sugv

Efezə *Kərisə là tə yı ba tə wulə ba tanı ba tìàn. Yá Kərisə là duən də wulə ba kàrì kunkun yìèn. Polə púpúní kv, v ma bırı Timote nə kwìè tə, v nə mə, sə v pa Efezə Kərisə là tə də ba yáá tìán tə nə.

Polə pìà v bırı Timote də, v mə, sə v ja cígá kàrà tə v waa con. U mə, sə v twá Yı sagı tə wa sùràn tə nii nə, ndə kv nə mə nətı. U mə, sə v tun soywánú tə tutunan tə wuuu, v dàn ká yá. U

mε, sə υ kwen Kərisə lià púlí tə, υ kə cwəŋə nə, υ ga kúrí yáá tián nəzəŋə.

Polə jònì Timote

(Titə 1.1-4)

¹ À mù Polə yi Zwezi-*Kərisə *tuntunu. À mù nə púpúní sagi kv tə. Yu jon nəba nə cuna wa. Zwezi-Kərisə də pɪn nə jə yala. Yá υ mù nə pɪn nii, sə à ya ba tuntunu. ² À púpúní sagi kv tə, à pɪn n mù Timote nə, n nə yi ndə à biú nə cígá cígá, n nə keni n waa Zwezi nə tə yiri. Nə nyina Yu də nə *Yuu-Tiu Zwezi-Kərisə nə wá fwa pubwanu n yira. Ba mù nə wá dəri n yinəgə zənzən, ba ga pa mú bican sié.

Á cia á tián nə də kunkun karyina-ba tə

(1 Timote 6.3-5; Titə 3.9; Galasi tián 3.10-12, 19-24)

³ Máná tə, à nə vəli Masedwanə nagwanaa, à pɪn mú kwìè, sə n yà Efzə nə, n cì lià duən nə, ba dàn ká buri kunkun kàrì. ⁴ Kv mù təntə kwa nə, sə n tə cì ba nə, ba dàn ká jələ tə yomanan təntə mancun tətə. Tə yi yìèn tə, tə nə ba dèń jə. Tə duən də ga yi ba nɪbara-ba tə yìèn tə twara, tə nə wàrì tə gəlì tə zwèe. Tə mù yìèn təntə yà tútúná cici nə, tə yáá zìn, tə ga ba saŋa, sə Yu fira tə tun də ba. Ba wáá Yu fira təntə ba lwarì, də ba nə ken ba waa Zwezi nə. ⁵ Yoo tə yiri, n nə mε, sə n swìn kv nətu tə ba con, kv mù nə yi, sə ba wàní ba sóní duən. Ba sonu təntə mε, sə kv ya də bican nəpon, kv nə ba pubunkukwɪnan jə, sə kv pa ba nə keni ba waa Zwezi nə tə ya cígá cígá. ⁶ Lià duən jén ba tián, ba kúù ba tə

yìèn tǝntǝ fwa. Yá ba nǝ jén tǝ dàń nǝ pǝn, ba jǝ tútǝnǎ, tǝ nǝ ba nywarǝ jǝ. ⁷ Ba pǝà, sǝ ba ya Yǝ *nii tǝ, ǝ nǝ pǝn *Moyizǝ nǝ dǝń, ba bǝrǝ lià nǝ. Yá ba ga yǝrǝ ba tǝtǝ sǝrǎn tǝ dǝń, ba nǝ swǝn. Ba yǝrǝ yìèn tǝ dǝń, ba nǝ kǎrǝ tǝ yoo dǝ dǝn, ndǝ ba yǝǝ tǝ.

⁸ Nǝ yǝǝ dǝ, Yǝ nii tǝ zǝn, dǝ ba nǝ ja kv ba tǝŋa, ndǝ kv nǝ mǝ nǝtv. ⁹ Kv mù yǝrǝ, ba mǝ, sǝ ba lwarǝ dǝ, Yǝ nii tǝ tà ǝ pǝn lià tǝ yǝrǝ, ba nǝ yǝ cǝgá tǝán. Á nǝŋǝ lǝzwǝnyirǝ tǝ, Yǝ nǝ pǝn ǝ nii tǝ ba yǝrǝ: Kv mù nǝ yǝ wǝlǝnyǝna, dǝ lià tǝ, ba nǝ ba Yǝ nii zǝlí, dǝ lià tǝ, ba yáá nǝ tǝlǝ dǝ Yǝ, dǝ cǝna lià. Yǝ pǝn ǝ nii tǝ lià tǝ yǝrǝ, ba ba Yǝ yìèn tǝ zǝlí, dǝ ba tǝ, ba nǝ zǝnǝ ǝ mù Yǝ cwǝŋǝ tǝ, dǝ ba tǝ yǝrǝ, ba nǝ gwǝ ba ninǝ dǝ ba nyǝna, dǝ lagǝra yǝrǝ. ¹⁰ Yǝ pǝn ǝ nii tǝ lià tǝ yǝrǝ, ba nǝ pǝni duǝn vǝ vǝ, dǝ bara tǝ yǝrǝ, ba nǝ ba kan pǝà, ba ga pǝà bara duǝn, ba ma fwa ba kana, dǝ ba tǝ yǝrǝ, ba nǝ janǝ lià ba yoli. Yǝ pǝn ǝ nii tǝ lià tǝ mama yǝrǝ, ba nǝ yǝ kvkvna, dǝ ba tǝ yǝrǝ, ba nǝ swǝn kvkvn yìèn. Yǝ pǝn ǝ nii tǝ lià tǝ mama yǝrǝ, ba nǝ tǝŋa yìèn tǝ, tǝ nǝ zǝga ǝ cǝgá kǎrǝ tǝ nǝ. ¹¹ Kǎrǝ tǝntǝ dǝ swǝwǎŋú tǝ yǝ nǝdv. Swǝwǎŋú tǝntǝ nan Yǝ con. Yá kv mù nǝ bǝrǝ ǝ pupwǝn tǝ, dǝ ǝ dun tǝ. Yá Yǝ tǝntǝ nǝ ken swǝwǎŋú tǝntǝ yoo à jǝn wa, sǝ à swǝn kv à bǝrǝ.

*Yǝ pubwanǝ tǝ, ǝ nǝ fwa Polǝ yǝra
(Tǝtvnan 26.9-20; 1 Timote 6.12, 20-21; 2
Timote 2.15-18)*

¹² À kǝni nǝ *Yuu-Tiu Zwezi-*Kǝrisǝ lǝǝǝ. ǝ bǝn dǝ, à yǝ liù tǝ, ǝ nǝ wáá à yuu wa ǝ jǝlǝ, sǝ

à tun v tutuŋi tē dē pùé nēdv, v ma kúrí nē, sē à tun kv. U dān pín nē dīàn, sē à ma tun kv tutuŋi tēntē. ¹³ Mánjá don yín lá, à nē twín v mù Zwezi tēntē. À fífin v Kērisē lià tē, dē à kēni càn ba nē. Dē kv nētv tē mama, à yinēgē zēnzēn jín wá. Lēyēri yà nē pín, à fwa kv nētv tē, à ga wà cígá pín Zwezi nē dē. ¹⁴ Yá nē Yuu-Tiu dān fwa pubwanv à yira, kv nē dáá zēnzēn, kv ja lē. À kēni à waa v nē wuuu, à dān ga jē Zwezi-Kērisē sonu tē. ¹⁵ Kv tē à nē pìà, sē à swìn yēbē, kv ya sūgv tē, kv nē yí cígá. Lià tē mama nē mē, sē ba sēē kv. Zwezi-Kērisē twi tia yuu, sē v jon lià ba cuna wa. À mù ga nē yí ba yáá tíú, à cuna nē dwē ba, v nē jon. ¹⁶ Yá Zwezi-Kērisē dān dēri à mù liù tē, à cuna nē dáá tē doni ba duēn, tē yinēgē zēnzēn. Kv mù nē pín, v twá dē nē, sē v ma bīri v pínú tē nē yí nētv. U bīri kv, sē v ma dān lià tē, ba nē wá kē ba waa v nē, jīàn, sē ba ga na mī tē, kv nē ba zwēē v con.

¹⁷ À pìà, sē lià tē pa dun Yū nē, ba ga bv v nē, mánjá dē mánjá, kv nē ba zwēē. Yū nē yí pìú tē, v pàrì tē nē ba zwēē, abada. U mù nē ya Yū tē, v nē wulē mánjá mama wuuu, yīi nē wàrì wá kv nī, v ga yí v cíci dē. Amīna!

¹⁸ À biú Timote, à pìà, sē à swìn n con, sē n tun n pa Yū nē, ndē Yū nii *sùsùnà tē dun nē swìn n yoo nētv. N dān pīi n líi Yū nii sùsùnà tē sùràn tēntē yoo, sē n tun Yū tutuŋi tē zēni zēni, ndē n nē pìà, sē n jan jaŋa, ka nē zīēn. ¹⁹ N jaŋa tēntē wa, n tē mē, sē n kē n waa Zwezi nē wuuu. N pubuŋa tē ga wà mē, sē ka ya pubunkukwīun.

Lìa duən dɔgv ka ja pubɔnzɔŋə tɛntə yoo vən nə. Kɔ m̀ nɛ pɪn, ba yà dí yáá, ba kə ba waa Zwezi nə. Yá kɔ nɛ yí yáá, ba kúv̄ ba ba waa kəni Zwezi nə. ²⁰ Kɔ m̀ ləzwənyirə tɛntə wa, lìa duən nə yɪ Yimene də Alɛkəzandərə. À ken ba m̀ lìa tɛntə *Sɪtana jìàn wa, sə ba ma lwarɪ swɪan, ba kúv̄ dān ká twɪn Yɪ.

2

Nətv tə, ba nə j̀ǹǹ Yɪ (Ebərə-ba 2.9)

¹ Təntən yoo tə à nə kwè, sə ba fwa, kɔ m̀ nɛ yɪ, sə *Kərisə lìa tə jɪn Yɪ, sə ba l̀r̀r̀ Yɪ, sə ba kə Yɪ l̀ɛɛɛ, lìa tə mama yuu yɪrɪ. ² Ba l̀r̀r̀ Yɪ, ba pa p̀ɛgá tə nɛ, sə ba l̀r̀r̀ Yɪ, ba pa lìa tə nɛ, ba nə ywàŋá ba lɔv tə yuu, sə ba lɔv tə wàní kɔ z̀r̀r̀, sə s̀ə yá kɔ wa. Kɔ nətv wá san, sə nə wàní nɛ z̀l̀l̀ Yɪ, nə ga twá wá zəni. ³ Mə kɔ m̀ yoo tɛntə nɛ ywán, kɔ ga zɪən, kɔ pa Yɪ nɛ, v nɛ jon nəba nɛ cuna wa. ⁴ Mə v m̀ nɛ p̀à, sə v jon lìa tə mama ba cuna wa. Kɔ nə s̀r̀r̀ lá, sə v pa ba lwarɪ v cígá tə. ⁵ Yɪ yɪ nədv, yá ləzwəndvə nə wulə v m̀ Yɪ də ləzoni pwərə wa. Kɔ liù tɛntə nɛ yɪ Zwezi-*Kərisə. ⁶ V m̀ nɛ pɪn v t̀àn, sə v tɪ ləzoni tə mama yuu yɪrɪ, sə v ma jon ba, ba cuna wa. Kɔ m̀ yoo tɛntə nɛ bɪrɪ, kɔ máná tə tətə wa, də Yɪ p̀à, sə v jon ləzoni mama. ⁷ Mə kɔ m̀ yɪrɪ nɛ, Yɪ tún nɛ, sə à ya v *tɔntɔnv, à swɪn v sɔgv tə. À m̀ nɛ mɛ, sə à gwɪn Yɪ sɔgv tə dən à bɪrɪ lìa tə nɛ, ba nə tà *Zwifə-ba, sə ba kə ba waa Zwezi nə, sə à bɪrɪ ba cígá tə də. À

biri ku cigá tontò là tɛ nɛ, ba nɛ tà Zwifə-ba. Ku tà kunkun nɛ à kuni, ku ya cigá nɛ à swin.

Bara də kana nɛ mɛ, sə ba ya nɛtv Kərisə là jéré wa

(1 Piyerə 3.1-6; 1 Korəntə tián 14.34-35; Titə 2.3-5)

⁸ À dān pià, sə bwálí mama nɛ, sə bara tɛ jun Yui. Ba nɛ zìn ba jìàn yui nɛ, sə ba ma jun Yui, ba mɛ, sə ba ya là tɛ, Yui nɛ ti ba. Lɛɲa wà mɛ, sə tɛ ya ba bicani wa. Tútòná də wà mɛ, sə tɛ ya ba pubuɲa wa. ⁹ À swə, sə kana tɛ də zu ganan, ndə kan nɛ mɛ, sə v zu v gànù nɛtv. Ba dān ká zu ganan tɛ, tɛ nɛ ba ziən də ba. Tɛ wà mɛ, sə tɛ ya jujə tián ganan. Ba dān ká pan yun tɛ yiri nɛ yu jujə tián nɛ panɪ. Ba dān ká nān ba tián də síán bian zanan, nɛ à yèó ganan tɛ, tɛ kwənə nɛ dáá zənzən. ¹⁰ Ba bwanwiən dān mɛ, sə tɛ ya ka tun zəni. Ku mù nɛ mɛ də kana tɛ, ba nɛ swin də, ba mù zilí Yui. ¹¹ Kàrà tɛ máɲá wa, kana tɛ mɛ, sə ba cugu kàrà tɛ sənbwən, sə ba sèe kàrà tɛ nii. ¹² À ba nii pin kan nɛ, sə v kàrà bara tɛ, nɛ à yèó, sə v ja diàn ba yuu wa. Kana tɛ mɛ, sə ba pú ba níó, ba jèh sənbwən. ¹³ Ku dèh nɛ yu Yui tontən, v fwa Adamə. Ku kwa nɛ, v fwa Evə. ¹⁴ Yá ku tà Adamə nɛ, *Sıtana gıgarı, ku yu kan tɛ nɛ, v gıgarı. Ku nɛtv dān pià ku biri də, kan nɛ vıga Yui nii tɛ. ¹⁵ Yá də ku nɛtv mama, Yui wá jon kan v cuna wa, v nɛ luri bia tɛ yiri. Yui wá jon wá, də v nɛ keni v waa Zwezi nɛ wuuu, də v nɛ swə là, də v nɛ twá Yui nɛ zəni, də v nɛ jə v tián zəni.

3

Kørisø lià púlí yuu tián
(Titø 1.5-9; 1 Piyerø 5.1-4)

¹ Sugv ku tø, à nø pià à swìn, ku ya cígá. Liù tø, v nø pià, sè v ya *Kørisø lià púlí yáá tián yuu tíú, ku tíú pià tutunzønu. ² Kørisø lià púlí yáá tián yuu tíú wà mε, sè v ja yokukwınan, ba nø wá caga v nii nø tø yırı. U mε, sè v ya kan nødu baru. U mε, sè v ya liù tø, v nø buņa zøni. U mε, sè v ya liù tø, v nø buņa zøni. U mε, sè v ya liù tø, v nø tunja yièn tø, ndø ku nø mε, sè tø tun nøtv. U mε, sè v ya liù tø, v nø sèe v jonø vørø zøni, v pa ba zurı v diè wa. U mε, sè v ya liù tø, v nø wáá lià v kàri zøni. ³ U wà mε, sè v nywìn swana zønzøen v bubunı. Nø à yèó, sè v ya jarıdırv. U dãn mε, sè v ya liù tø, v nø yı bwàbwà. U wà mε, sè v ya tutunyan. Nø à yèó, sè v sónı sèbiu. ⁴ U mε, sè v dí yáá v kwen v tètø diè tø zøni, sè v bia tø wàní ba sèe v nii, ba ga zilı v tètø cígá cígá. ⁵ Dø liù nø wàri v tètø diè v kwen, nøtø nø v wá fwa, v ma kwen Kørisø lià púlí tø mù? ⁶ Á nø pià, sè á kúri Kørisø lià púlí yáá tián yuu tíú, á dãnà ká kúri liù tø, v nø ken v waa Zwezi nø dura. Á nø kúri liù nøtv, v wá fwa fwıø, yá Yu bürà tø wá ja wá, ndø ka nø jin *Sitana nøtv. ⁷ Kørisø lià púlí yáá tián yuu tíú mε, sè lià tø, ba nø tà Kørisø lià, dø tètø swìn v yozøņø yoo. Ku nø tà nøtv, ku wáá ku pın ba goni wá. Yá cavıra wá zv wá, Sitana ga twá ku nø, v ma ja wá.

Kərisə lià púlí tùtònà yoo
(Tùtunan 6.1-6; 1 Korəntə tián 4.2)

⁸ *Kərisə lià púlí tùtònà də mə, sə ba ya lià tə, lià nə mə, sə ba zilí ba. Ba ga mə, sə ba ya cígá cígá lià. Ba wà mə, sə ba nyu swana zənzən, ba ga wà mə, sə ba twá yokukwınan nə, ba ma na səbiu. ⁹ Ba mə, sə ba pa cígá sugv tə nə, kv nə sègè, Yı nə bırı ba, də pubuɲa tə, ka ziən. ¹⁰ Á nə pìà, sə á kúrí Kərisə lià púlí tùtònà, kv mə, sə á dí yáá dódón ba, á na kv tə, ba nə yı. Də ba nə ba yokukwınan jə, lià nə wá swın tə yoo, sə á dən zıgı lá, á kə ba Kərisə lià púlí tütunan tə wa. ¹¹ Kərisə lià púlí tùtònà tə kana mə, sə ba ya kana tə, lià nə zilí ba. Ba wà mə, sə ba ya lià tə, ba nə swın yolwana, ba pın lià nə. Ba mə, sə ba ya kana tə, ba nə buɲa zəni. Ba mə, sə ba ya kana tə, ba nə yı pùé nədu tián yoo mama wa. ¹² Kərisə lià púlí tùtònə mə, sə v ya kan nədu bari. U mə, sə v wàní v tətə bıa tə, də v tətə diè tə v kə cwəɲə nə zəni. ¹³ Kərisə lià púlí tùtònà tə, ba nə tuɲa zəni, ba wá na dun bwálí. Ba ga wá wàní ba swın Zwezi-Kərisə sugv tə, də ba cígá mama, ba nə keni ba waa v nə tə yırı.

Yoo nəfaru, kv nə sègè
(Efezə tián 2.19-22; Zwan 1.1, 14; Romə tián 1.4; 16.25-26)

¹⁴ À púpúní sagı kv tə n nə, à ga jə yala də, à wá bà à na mú, máɲá mancın wa. ¹⁵ Də à nə dán à wà twi, sə n twá sagı kv tə nə, n ma lwarı nətu tə, n nə mə, sə n ya Yı bıa tə wa. Yı bıa tətə nə yı *Kərisə lià púlí tə, kv nə yı Yı tə, v nə

wulə mu wa, nə ti. Kərisə là púlí təntə nə zɪŋa sɔɡu tə, ku nə yi cígá, ndə yonji nə zɪŋa dəyuu nətu.

¹⁶ Cígá tə, ka nə sègè ku yoo təntə wa, ka dən lù zənzən. Liù mama wàrì ku yoo təntə, ɔ tútòní. Ku mù nə yi Zwezi-Kərisə, ɔ nə jigə ləzwənə. Yɪ-*Siŋu tə biri də, ɔ yi cígá tíú Yɪ yáá con. *Malke ni wá. Là swìn ɔ sɔɡu tə, ba biri lɔɔ dwíé tə mama nə, Là keni ba waa ɔ nə, tɪa yuu wa. Yɪ ti wá, ɔ kə ɔ con dun bwálí wa.

4

Kunkun karnyina-ba yoo

(1 Zwan 4.1-3; Kolosə tián 2.16-23)

¹ Yɪ-*Siŋu tə cígá swìn də, talikwa máŋá tə wa, là duən, ba nə ken ba waa Zwezi nə, wá pìi ba yá wá. Ba dən wá pìi ba zilí *zinə nii, ba ga wá twá tə mù zinə tə kàrà nii nə. ² Ba wá dɔɡu ba tián ba pa níé bələ tián, ba nə yi kunkuna, gɪgarɪ ba, ba ga pa ba jén. Ba mù kunkuna təntə pubɔŋa tə tɪga míámíán, ndə gantwan nə dí mən. ³ Ba mù nə kàrì ba biri də, ku culi, sə kan də bæe swe duən nə. Ba ga biri də, ku culi, sə là dé wodirən duən də. Tə mù wiən təntə ga yi Yɪ fwa, sə ba dé. Là tə, ba nə ken ba waa Zwezi nə, ba ga yèé cígá tə, ba nə ken Yɪ lèèè, ba ga dé tə, ku ba yolwan mama jə. ⁴ Wiən tə mama, Yɪ nə fwa ziən. Won mama təló, ba nə mɛ, sə ba li ba dɔɡu, də ba nə jon tə mama, ba ga kə Yɪ lèèè tə yɪrɪ. ⁵ Yɪ sɔɡu tə də yɪjɔni tə yáá pa won mama ziən, ku pa Yɪ nə.

*Zwezi-Kørisø tvtvzøŋu yoo
(2 Timote 2.14-16; 4.1-2, 5)*

⁶ N me, sə n kàrì yìèn tə tə, n biri lià tə nə, ba nə yì n nubia Kørisø yiri. Ku nətʋ wá pa, n ya Zwezi-*Kørisø tvtvnbíu nəzøŋu. Ku ga wá biri də, n pín cígá Yì sʊgʋ tə nə, n ga twá ku nə zəni. N nə keni n waa ku nə, də kàrà nəzøŋu tə nə. Yá ku tə biri də, sùràn tə də kàrà nəywánjʊ tə saŋa mú, tə pa n vèli yáá wuuu, Yì cwəŋə tə wa. ⁷ Dʊgʋ ləyərən yomanan tə, tə nə tà Yì nyiən. ⁸ Də liù nə fwa diàn won, ku yáá pa ʋ yira ja diàn, ku ga wá san wá mancin mancin. Yá ʋ nə twá Yì cwəŋə tə mù nə zəni, ku mù saŋa wá zənzən ku dwiən. Ku wá pa ʋ na mi nədʋn síyón nə. Ku mi təntə ga wá ya mi tə, ku nə ba zwèè Yì con. ⁹ Ku mù sʊgʋ təntə yì lià tə mama nə me, sə ba sèe ku, ba pa ba tiàn nə. ¹⁰ Mə ku mù nə pín, nə ma tʊŋa də nə jaŋa. Yá nə ken nə yala Yì tə nə, ʋ nə wulə mi wa. ʋ mù nə pià, sə ʋ jon lià tə mama ba cuna wa. ʋ mù nə wá jon lià tə mama, ba nə ken ba waa Zwezi nə,

¹¹ Ku me, sə n pa nii tə yìèn təntə yiri, sə n ga kàrì tə mama n biri. ¹² Dàn ká sèe n pa, ba mun mú, n nə yì ləzwəndʋn tə yiri. N me, sə n pa ba twá n tətə nə, ba ma lwarì nətʋ tə, ba nə me, sə ba ya. Ku nətʋ tə wá twá n sʊgʋ nə, də nətʋ n nə yì nə. Ku wá twá n nə swə lià nətʋ nə, də n nə keni n waa Zwezi nə wuuu nətʋ, də nətʋ tə, n bican nə yì nəpon Yì yáá con. ¹³ Kàrí Yì sʊgʋ tə máŋá mama wuuu, lià tə yáá con, də n pín ba kwìè, də n biri ba. Fwa nətʋ ku jə vèlə diin tə, à nə wá bà. ¹⁴ Dàn ká gwìèn tarpvun tə, Yì

nə pɪn mú. Yɪ pɪn mú tarpɪɒn. Təntə kʊ twá Yɪ nii *sùsùná tə sùrà̀n nə, ba nə swɪn n yuu wa. Kərisə̀ lià púlí yáá tián tə ga tún ba jìàn n yuu wa kʊ yɪɪ. ¹⁵ Kə n diàn mama lá, sə n wàní tɒn kʊ tutɒɲɪ təntə, n pa kʊ nii sú. Fin n yía kʊ yuu zəni, sə lià tə mama na də, n yɪ n vɛli n yáá wuuu, Yɪ nyiən tə wa. ¹⁶ Cɪ n tiàn nə, sə n cɪ kʊ tə, n nə kà̀rì tə də nə. Ja pínú wuuu, n dàn ká pìí n kə kwa. Də n nə fwa kʊ nɛtv, kʊ wá pa Yɪ jon mú n cɒna wa, ʊ ga twá mú ʊ jon ba tə, ba nə cɒga n sɒgv tə.

5

*Nɛtv tə, n nə mɛ, sə n ya Kərisə̀ lià tə yáá con
(1 Korɛntə tián 7.34-35)*

¹ N nə wulə də bazɒv, ʊ nə fwa yoo, kʊ nə wà mɛ, dàn ká caga ʊ nii nə də diàn. N mɛ, sə n kwè wá bwàbwà, ndə ʊ yà nə yɪ n nyɪna nə. Kwè balandɒra tə, ndə ba yà nə yɪ n nubɪa nə.

² Də kazɒv nə fwa yoo, kʊ nə wà mɛ, sə n kwè wá, ndə ba yà nə yɪ n ninə nə. Kwè kaninə tə, ndə ba yà nə yɪ n nakwana nə, n ga pa n bɪcan ya nɛpon ba yáá con.

³ Zilí kadə̀nə tə, ba cígá nə yɪ ba cɪcɪ, sə n ga ywàń ba yuu. ⁴ Kadə̀nu tə, ʊ nə jə bɪa, nə à yèó nián, ba mù nə mɛ, sə ba dí yáá ba ywàń ba diè lià tə yuu. Ba mɛ, sə ba tɒn kʊ tə, ba nə mɛ, sə ba tɒn ba pa ba lià tə nə, sə ba ma kə ba lèèè. Mə yoo təntə nə Yɪ swə. ⁵ Kadə̀nu don wulə, ʊ nə yɪ kadə̀nu cígá cígá, ʊ nə wulə ʊ cɪcɪ, ʊ ga ba liù mama jə, sə ʊ ywàń ʊ yuu. ʊ mù kadə̀nu təntə yáá kə ʊ yala Yɪ nə. ʊ yáá jùnì Yɪ titɪn də

yɪcaʊ, ʊ lòrì, sɛ Yɪ san wá. ⁶ Yá kadənu tɛ m̀, ʊ nɛ fwa ʊ fira cɪcɪ, dɛ ʊ wulɛ mu wa tɛ mama, ʊ yɪ ndɛ ʊ tɪga Yɪ yáá con. ⁷ Nèh kɪ tɛ n nɛ mɛ, sɛ n pa nii ba kɪ yuu wa, sɛ yìèn dàn ká ya ba yɪra, là nɛ wá caga ba nii nɛ tɛ yɪrɪ. ⁸ Dɛ liù nɛ ba ʊ dwíí tìán nɛ saɲa, nɛ à yèé kɪ tɛ, kɪ nɛ dwɛ, ʊ ba ʊ diè là tɛtɛ nɛ saɲa, kɪ tíú vɪga Zwezi. ʊ m̀ liù tɛntɛ waa lɪɲa kɪ dwɛn liù tɛ, ʊ nɛ wà ʊ waa ken Zwezi nɛ.

⁹ Dàn ká púpúní kadənu yɪrɪ n sùrí kadənɛ tɛ nɛ, á nɛ saɲa ba nɛ tɛ nii nɛ, dɛ ʊ nɛ ba bɪna sapwɪtwa jɛ. Kɪ sùrí lá, dɛ ʊ barɪ nɛ wà nɛdɪ yɪn. ¹⁰ Kadənu mɛ, sɛ ʊ ya liù tɛ, ba nɛ bwɪ ʊ tɔtɔnzɛɲɛ nɛ. ʊ mɛ, sɛ ʊ ya liù tɛ, ʊ nɛ ywàh ʊ bɪa yuu zɛnɪ, ʊ ga sɛɛ, ʊ jɔɲɛ vɛrɛ zɛnɪ ʊ pa, ba zɔrɪ ʊ diè wɛ. ʊ mɛ, sɛ ʊ ya liù tɛ, ʊ nɛ sɪn* là tɛ, ba nɛ yɪ *Kərisɛ nɛ tɪ, nɛɛ. ʊ mɛ, sɛ ʊ san là nɛ, ba nɛ wulɛ càn wa, ʊ ga tɔn tɔtɔnzɛɲɛ, mánjá mama. ¹¹ Dàn ká púpúní kadənɛ tɛ, ba nɛ yɪ kaninɛ, tɛ m̀ yɪra kadənɛ yɪra sagɪ tɛ wa. N nɛ púpúní ba yɪra lá, mánjá tɛ wa, barɪ swiu fira nɛ jɛ ba, ba wá dɔgɪ Zwezi-Kərisɛ lá. Yá ba ga va ba swe barɪ nɛ. ¹² Ba yà fwa ndɛ ba twá Zwezi-Kərisɛ nɛ, ba ga pìí ba yá wá. Kɪ m̀ nɛ pɪn, Yɪ bùrà tɛ wá ja ba. ¹³ Kɪ nɛ sùrí lá, kɪ wá pa, ba jì yayɪnyɪna, ba twá dii wa ba vɛli. Yá kɪ ga bá ya kɪ cɪcɪ. Ba wá ya sufaru tìán. Là duɛn yìèn nɛ wá pìí tɛ jɛ ba bɪan nɛ, ba ga wá swìn sùràn tɛ, ba nɛ wà mɛ, sɛ ba swìn. ¹⁴ Kɪ m̀ nɛ pɪn, à pìà, sɛ n yá kadənɛ tɛ, ba nɛ yɪ kaninɛ tɛ, sɛ

* **5:10** 5.10 *Zwifɛ-ba con, ba yáá pa ba sɪn vee nɛɛ, sɛ ba ma bɪrɪ dɛ, ba sɛɛ wá ndɛ ba vee nɛ ba diè wa.

ba píi ba swe, ba luri bia, sə ba ywàń ba diè yuu nə zəni. À ba pià, sə nə duŋa twá ba nə, ba ma swìn yokukwɔɔn mama nə yuu wa. ¹⁵ Kadəne duən dí yáá ba dugv Zwezi cwəŋə tə, ba píi ba va ba twá *Sitana nə. ¹⁶ Kan tə, v nə yi *Kərisə liù, nə jə kadəne v dwíi wa, v m̀è nə mɛ, sə v san ba. V wà mɛ, sə v pa ba jì Kərisə lià púlí tə yuu zɔɔ. Kərisə lià púlí tə mɛ, sə kv san kadəne tə nə, ba cígá nə ba liù jə míámíán.

(1 Korentə tián 9.7-14)

¹⁷ Á mɛ, sə á pa ŋwírán dəkurən bələ Kərisə lià púlí yáá tián tə nə, ba nə tuŋa zəni, ba swìn Yu sugv tə, də ba kàrì kv ba biri tə, á doni. ¹⁸ Yu sugv tə swìn, kv wó: «Máná tə wa, n nə jə nav, n ma tuŋa n fɔɔ, kv wà mɛ, sə n vwa kv nii nə, kv dàn ká duŋi wobia tə». Kv kúv swìn kv sùrí lá, kv wó: «Tùtònù mɛ, sə v na v ŋwírán».

¹⁹ Də liù nə swìn, v ma zɔɔga Kərisə lià púlí tə yáá tíú tə don nə, dàn ká cvgv kv tíú sugv, də ba nə wà lià bələ də batwa yí, ba nə zɔɔga yáá tíú tə nə. ²⁰ Caga lià tə, ba nə tuŋa cuna tə, nii nə Kərisə lià púlí tə mama yáá con, sə kv pa, fən zv ba duən tə, ba dàn ká tun tə yiri.

²¹ À pɔn mú nii kv tə, də Yu də Zwezi-Kərisə də *maluke tə, v nə kúrí, sə n zilí kv tə, à nə swìn n con, tə nii zəni. Dàn ká kúrí kv vàn don n dugv. Dàn ká kúrí lià tə, n ma tun kv. ²² Dàn ká bıbari n tún n jìàn liù yuu wa, sə n pa wá tutuŋi Kərisə lià púlí tə wa. Də n nə wà n tián nə cì, n wá twá n tun cuna tə. Cì n tián nə, sə n ya liù tə, n bıcan nə yi nəpon.

23 N kúò dàn ká nyu níá cɪɪ. N dàn nyu diven† mancɪn mancɪn, n pùé yayɪɠu tɔ, dɔ n yayɪran tɔ duən tɔ yɪɪ, sɔ tɔ zwɛɛ.

24 Lìà duən cɔna ba sègè míámíán. Dɔ ba nɔ swə, ba wà ku tián bùrà bùrì dɔ. Ba duən cɔna yɪ ba bùrà tɔ bùrì kwa nɔ, nɔ ba dàn yàá na tɔ. 25 Tɔtɔnzɔɲɔ tɔ dɔ ba sègè míámíán. Yá tɔtɔnzɔɲɔ tɔ, nɔ wàrì tɔ nɪ yii wa, dɔ tɔtɔ wàrì tɔ sègè, tɔ mɛ lá.

6

(Efɛzɔ tián 6.5-8; 1 Piyerɔ 2.18-20)

1 Lìà tɔ mama, ba nɔ yɪ ywɔɲɔ, mɛ, sɔ ba zìlì ba liù tɔ, ɔ nɔ yè ba zɛnzɛn, sɔ ku pa liù mama dàn ká twɪn Yɪ, ɔ dàn ká swɪn yolwan nɔ kàrà tɔ yuu wa. 2 Ywɔɲɔ tɔ, ba tián nɔ yɪ *Kɔrisɔ lià tɔ, ba wà mɛ, sɔ ba mun ba, ba mù dɔ ba nɔ yɪ Kɔrisɔ lià tɔ yɪɪ. Ywɔɲɔ tɔntɔ dàn mɛ, sɔ ba kwen ba tɔn ba pa ba tián tɔntɔ nɔ, ba doni ba dí yáá tɔ. Lìà tɔntɔ, ywɔɲɔ tɔ nɔ tɔɲa ba pɪn ba dɔ yɪ ba nubɪa Kɔrisɔ yɪɪ, Yɪ ga swə ba.

*Kɔnkɔn kàrì tɔ, dɔ cígá cígá jɪjɔ tɔ yoo
(Romɔ tián 16.17-18; Ebərə-ba 13.5)*

3 Nèń, ku tɔ n nɔ mɛ, sɔ n kàrì, sɔ n kwè lià tɔ. Liù don wulɔ, ɔ nɔ kàrì kàrà yiri don. ɔ mù liù tɔntɔ wà cígá pɪn nɔ *Yuu-Tiu Zwezi-*Kɔrisɔ cígá sùrán tɔ nɔ, ɔ ga wà cígá pɪn nɔ kàrà tɔ nɔ, ka nɔ bɪɪ Yɪ nɔ swə, sɔ liù ya nɔtɔ. 4 Ku tíú yɪ fwíə nɔ jɔ wá, ɔ ga yèrì won mama. ɔ yɔnu nɔ yɪ tútòná, ɔ ma dɪ jara yìèn yɪra bonɔ yuu

† 5:23 5.23 Ku yɪ swana yiri don, ku nɔ wàá pùé yayɪɠu ku ywarɪ.

wa. Tə m̀ nə yàá pa v zıga lià duən nə, ku tián wiən yırı. U jə tútòná, v dé tıjaŋa lià dèh nə, v ga buŋa yolwan v pın lià nə. ⁵ Ba yàá dı tútòná wuuu ba pwərə wa, ba pubuŋa tə ba ziən, ba ga kúò yèrì cígá tə. Ba pubuŋa wa nə, ba buŋa də, ba nə twá cwəŋə tə nə zəni, ba wá na səbia. ⁶ Ku yı cígá də, liù nə twá Yı cwəŋə tə nə zəni, v yı jıjə tíú, də v nə poli v pùé də ku tə, v nə jə. ⁷ Nə wà won mama ja bà luv wa, nə ga bá wàní won mama nə ja víí. ⁸ Ku m̀ nə pın, nə nə na nə nii wodiu, nə ga jə ganan, nə mɛ, sə nə pa, tə cıci mɛ nəba. ⁹ Lià tə, ba nə pìà, sə ba na wiən zənzən, ba yàá pa *Sıtana yıgu ba, v kə yìèn wa, ndə ba nə zva nyalı wa. Ku dān yàá pa ba sónı wokukwınan tə, tə nə cùgà lià tə. Yá tə m̀ nə yàá cùgù ba míámıán. ¹⁰ Yokukwınan yırı mama dəkuu nə yı ka sónı səbiu. Lià duən lı ba tián Zwezi cwəŋə tə wa, ba pìà səbia zənzən. Ba dí càn zənzən ku yoo təntə yırı, ku ga yı ba tətə nə pìà tə, ba pa ba tián nə.

Sagi tə yígúré sùràn
(2 Timote 2.3-7; 4.7-8)

¹¹ N m̀ liù tə, n nə yı Yı liù, lı n tián tə m̀ yìèn tə mama wa. Kə n dián mama, sə n wàní n tun ku tə nə yı cígá yìèn. Twá Yı cwəŋə tə nə zəni, sə n kə n waa Zwezi nə, máŋá mama wuuu. Sónı lià tə, sə n ja pínú, sə n ja pubwanv. ¹² Púrí n yıra, n kə n waa Zwezi nə wuuu. Kə dián, sə n wàní n ya mu tə wa, ku nə ba zwèe Yı con. Mə ku m̀ yırı nə, Yı kúrí mú. Máŋá tə, Yı nə kúrí mú, n tətə swìn cígá sugu lià kapupu yáá con də,

n ken n waa Zwezi nə. ¹³ Zwezi-*Kərisə tətə dɪn zɪɣɪ, ʋ swɪn cɪgá sɔɡʋ tə *Pilatə yáá con, ʋ ga bɪrɪ də, ʋ m̀ wulə cɪgá cwəŋə wa. À dàń pɪn mú nii kʋ tə, də Yɪ tə, ʋ nə pɪn mu won mama nə, də ʋ m̀ Zwezi-Kərisə. ¹⁴ Twá à s̀r̀r̀n tə nii nə, à nə dí yáá à swɪn n con. Dàn ká dwá tə nii nə, dàn ká fwa won tə, lià nə wá swɪn, ba zɪɣɪ n nə kʋ yɪrɪ. Ya nətʋ kʋ ja vələ, nə *Yuu-Tiu Zwezi-Kərisə nə wá pií ʋ bà. ¹⁵ Yɪ tə, ʋ nə yɪ pupwən tíú, li mánjá ʋ tún, sə ʋ pa Zwezi-Kərisə pií ʋ bà ka wa. ʋ m̀ Yɪ nə yɪ diàn mama Yuu-Tiu. ʋ m̀ nə ya pèegá tə mama piú, ʋ ga yɪ yun tìán tə mama Yuu-Tiu. ¹⁶ ʋ m̀ Yɪ cɪcɪ nə wulə mánjá mama wuu, ʋ ba tɪ. ʋ wulə poni wa, liù mama nə wàrì kʋ poni tə yɪra ʋ bolì. Liù mama yii tə wà ʋ m̀ Yɪ nɪ. Liù ga wàrì wá n nɪ də. ʋ m̀, sə ba bu ʋ nə, ʋ m̀ nə jə diàn, tə nə ba zwèe abada. Amɪna!

*Nətʋ n nə m̀, sə n kwè jɪjə tìán tə
(Likə 12.15-21; 2 Timote 1.14)*

¹⁷ Pa nii lià tə nə, ba nə yɪ síún lʋ kʋ tə jɪjə tìán, sə ba dàn ká fwa fwiə. Ba dàn ká kə ba waa lʋ jɪjə wa, ka nə wá lɛ síún síún. Ba m̀, sə ba kə ba waa Yɪ nə. ʋ m̀ nə pɪn won mama búrí nəba, sə nə jwɛ. ¹⁸ Swɪn ba con, sə ba tʋn zəni, sə ba jɪjə tə ya tutʋnzəŋə jɪjə. Ba m̀, sə ba pa wiən lià nə də ba bɪcanɪ mama, sə ba tàrì ba jɪjə tə də lià duən. ¹⁹ Də ba nə fwa nətʋ, ba wiən tə, tə kwənə nə dáá, tə də wá ya jɪjə nəzəŋu Yɪ con, ka nə wàrì ka cùgà. Yá ba dàń wá na mu tə, kʋ nə yɪ cɪgá, Yɪ con.

²⁰ À bìú Timote, ywàń kú tə, Yı nə pın mú, yuu zəni. Ja n tìàn, dàn ká dì tútùná tə, tə nə yı tɔtɔ, tə nə tà Yı nyiən. Dàn ká kə n nii yìèn tə wa, ba nə wó, də tə yı yənu yìèn, tə ga yı kunkun yìèn.

²¹ Lìà duən yà bún də, ba jə kú yənu təntə. Kú m̀è nə pın, kú tìán kúò ba ba waa kəni kú tə nə, nə nə ken nə waa kú nə.

Yı nə wá fwa pubwanɔ á yıra.

Yu soywánó sagı
Nuni, Southern: Yu soywánó sagı New Testament
Le Nouveau Testament en Nun

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

d18530a7-7259-5f23-92b6-70e3abe5f3fa